

# Umiartornerup aalisarnerullu iluani tunngaviusumik inaarutaasumillu pikkorissartitsisarnerit pillugit Namminersornerullutik Oqartussat nalunaarutaat

Inuussutissarsiutinut ilinniartitaaneq, ilinniagaqarnermut tapiissutit inuussutissarsiutinullu tunngasunik siunnersuineq pillugit Inatsisartut peqqussutaanni nr. 16, 28. oktober 1993-imeersumi § 1, imm. 3, naapertorlugu aalajangersarneqarput:

## *Siunertat il.il.*

**§ 1.** Umiartornerup aalisarnerullu iluani tunngaviusumik inaarutaasumillu pikkorissartitsisarnerni siunertarineqarpoq ilinniartut Kalaallit Nunaanni umiartornerup aalisarnerullu iluani suleqataasutut inuussutissarsiutinik pineqartunik ingerlatsinnaalersinnissaat. Ilinniartut inuussutissarsiutinik pineqartunik nunami sumiluunniit ingerlatsisinnaalernissaat qulakkeerneqaqqullugu tunngaviusumik inaarutaasumillu pikkorissartitsisarnerit naammassisimassavaatthaq piumasaritat Danmarkimi Søfartsstyrelsip ilinniartitaanerit assingusut pillugit aalajangersarsimasai.

*Imm. 2. Pikkorissartitsinerit ilaat uppernarsaaserneqartussat aaqqissuunneqassapput najoqqtassianut Danmarkimi ilinniartitaanernut assingusunut sukkulluunniit piumasarisaasunut naapertuuttumik.*

**§ 2.** Ilinniartitsineq ingerlanneqassaaq umiartornermut aalisarnerraullu ilinniarfimmi Kultureqarnermut, Ilinniartitaanermut Iisimatusarnermullu Pisortaqarfimmit akuerisaasumi.

## *Tiguneqarnissamut piumasaritat.*

**§ 3.** Umiartornermut aalisarnermullu ilinniarfiup umiartornermut aalisarnermullu ilinniartitsissutinik pikkorissarnissamut qinnuteqartut tigusarsinnaavai taakku meeqqat atuarfiaani 11.

klaasimeereersimagaangata tassanngalu naammaginartumik oqaaseqaateqarfingeqarsimagaangata.

*Imm. 2. Qinnuteqartut inuussutissarsiortutut sulismanermikkut, allamik ilinniagaqarsimanermikkut, ilinniaqqaagassanik inuussutissarsiutinut tunngasunik assigisaannilluunniit pikkorissarsimanermikkut immikkut piukkunnaateqalersimasut ilinniartitaanermut ataatsimiititaliap inassuteqarnera malillugu ilinniartussatut tiguneqartarsinnaapput.*

**§ 4.** Qinnuteqartut umiarsuarmi assistentinut inaarutaasumik pikkorissarnermut tiguneqarsinnaassagunik umiartornermut aalisarnermullu ilinniartitsissutinik tunngaviusumik pikkorissarnermi angusisismasariaqarput aammalu umiarsuarmi assistentitut sungiussisimanngitsutut qaammatini 18-ini umiartorsimasariaqarlutik.

**§ 5.** Qinnuteqartut aalisarnermi assistentinut inaarutaasumik pikkorissartitsinermut tiguneqarsinnaassagunik umiartornermut aalisarnermullu ilinniartitsissutinik tunngaviusumik

pikkorissarnermi angusisimasariaqarput aammalu aalisarnermi assistentitut sungüssimannngitsutut qaammatini 12-ini umiartorsimasariaqarlutik.

*Pikkorissarttsinerit aaqqissugaanerat.*

**§ 6.** Tunngaviusumik pikkorissarneq ingerlanneqartarpoq atuagarsornermik kingornatigullu, § 4 aamma § 5 naapertorlugit, umiarsuarni ingerlaartuni umiartornermik.

*Imm. 2.* Tunngaviusumik ilinniartitsinermi suliassanut tunngasunik atuartitsinerup saniatigut ilinniagassat nalinginnaasut atuartitsissutigineqartarput.

*Imm. 3.* Tunngaviusumik ilinniartitsinermut atatillugu pikkorissarttsisoqartarsinnaavoq ilinniaqqitsitsisoqartarsinnaallunilu, taamaattorli takuuq § 1, imm. 2.

**§ 7.** Umiartornermut aalisarnermullu ilinniartitsissutinik tunngaviusumik pikkorissarttsineq sap. akunnerinik 42-nik sivissussuseqarpoq. Tunngaviusumik pikkorissarttsineq ingerlanneqartarpoq ilinniarfimmi atuartitsinermik umiarsuarmillu sungiusarfimmik, ilinniarfimmit akuerisaasumik, sungiusarluni angalaartarnernik.

*Imm. 2.* Tunngaviusumik pikkorissarttsinerup siunertarai:

- 1) Ilinniartut piginnaanitik, piginnaassutsitik soqutigisatillu tunngavigalugit inuussutissarsiutiginialigassaminik aalajangiinissamut ajunnginnerpaamik tunngavissaqalersinnissaat kiisalu paasinnitsinnissaat inuussutissarsiutigineqartut assingusut paasiniagassartaqarnerannik.
- 2) Ilinniartut ilinniartitsissutigineqartup ilisimasariaqartortaaniq pigiliussisilluarneqarnissaat, tassa ilikkavissinnaaqqullugit sakkunik taaguutinillu ilinniartitsissutaasumi atorneqartartunik sulinermilu periaatsinik, taamaallillutik piginnaanngorsarluaqqullugit umiarsuarni niuffagiutini aalisariutinilu inuttaanissaminut.
- 3) Ilinniartut avataaniitilluni sulitillunilu isumannaatsuunissamut tunngasunik ilisimasaqarlualersinnissaat.
- 4) Ilinniagassanik nalinginnaasunik atuartitsinikkut ilinniartut tunngavissaqalersinnissaat inuiaqatigiinni innuttaasunut allanut naleqqiullutik namminneq qanoq inissisimanerminnik aammalu nunaminni inuussutissarsiornerup qanoq inissisimaneranik kiisalu ilinniaqqinnissaq eqqarsaatigalugu meeqqat atuarfianni ilikkarsimasaasa patajaallisarnissaat.

**§ 8.** Umiartornermut aalisarnermullu ilinniarfik umiarsuarni aalisarnermilu assistentinut inaarutaasumik pikkorissarttsisarpoq pikkorissarttsinissanut najoqqutassat Danmarkimi Søfartsstyrelsip akuerisimagaangagit, § 1, imm. 2. naapertorlugu

Ilinniarfimmi atuartitsineq.

**§ 9.** Tunngaviusumik pikkorissarttsinermi atuartitsinermi lektionit 1680 miss. atorneqartarput, taakkunannga 25%-iisa miss. nalinginnaasunik atuartitsinermut atorneqartassallutik.

*Imm. 2.* Tunngaviusumik pikkorissarttsinermi, Danmarkimi Søfartsstyrelsimit allakkat kaajallaasitat malillugit ingerlanneqartumi, ilaatigut atuartitsissutigineqartarput umiartorneq, umiartornermi isumannaatsuunissaq, ikuallattunik qatserineq, motoorilerineq sakkuutilerinerlu, sumiissusersiorneq, umiartornermi maleruagassat, kalerrisaarineq, aalisarnermik ilinniutit, immamik ilinniutit ilinniartitsissutillu nalinginnaasut. Ilinniartitsissutinik nalinginnaasunik atuartitsissutinut ilaapput danskit oqaasii, tuluit oqaasii, matematikki, fysikki aamma kemii.

**§ 10.** Umiarsuarni assistentinut inaarutaasumik pikkorissarttsinermi lektionit 500 miss. atorneqartarput sungiusarluni angalaarnerit ilangunnagit.

*Imm. 2. Inaarutaasumik pikkorissartitsinermi, Danmarkimi Søfartsstyrelsimit allakkat kaajallaasitat malillugit ingerlanneqartumi, ilaatigut atuartitsissutigineqartarput umiartornermi isumannaatsuunissaq, sulitilluni ajoqusernaveersaarnissaq, ikuallattunik qatserineq, pigaartuuneq, sumiissusersiorneq, umiartornermi paasisimasassat nalinginnaat, umiarsuup qaavaniittunik maskiinamillu aserfallatsaaluiueq, maskiinalerinermerk innaallagissamullu tunngasunik ilinniarneq, iluarsaasarfimmut tunngasunik ilisimasaqarneq kiisalu peqqinnissamut tunngasunik ilinniarneq.*

**§ 11.** Aalisarnermi assistentinut inaarutaasumik pikkorissartitsinermi lektionit 760 miss. atorneqartarput sungiusarluni angalaarnerit ilangunnagit.

*Imm. 2. Inaarutaasumik pikkorissartitsinermi ilaatigut atuartitsissutigineqartarput aalisarnermut sakkuitit sannaat, sakkuitit immap iluani qanoq iliortarneri, aalisarnermut sakkuitinut atortut, atortussiarineqartartunik ilinniarneq, qalulerineq, sakkut titartarnerinik nassuaaneq, suliamut tunngasunik kisitsineq, suliffimmi aningaasanik ingerlatsineq kiisalu aalisarnerup pinngortitat inuunerannut sunniutai inatsisiliornerlu.*

*Pikkorissarnernik naggasiineq.*

**§ 12.** Tunngaviusumik pikkorissarneq naggaserneqassaaq misiliinermik. Ilinniarsimaneq atuarfimmit uppernarsaaserneqassaaq.

*Imm. 2. Misilitsinnernut uppernarsaaserneqartussanut ilinniarfik uppernarsaasiissaq.*

*Ilinniarnermi siunnersuineq.*

**§ 13.** Ilinniartut ilinniarfimmit siunnersorneqassapput ilinniagassamik aalajangiiniarnermik, aamma umiartorsimanissamik, inuussutissarsiutissamik kiisalu ilinniartunut namminernut tunngasunik.

*Immikkut akuersineq naammagittaalliornerlu.*

**§ 14.** Kultureqarnermut, Ilinniartitaanermut Ilisimatusarnermullu Pisortaqaifiup ilinniartitaanermut ataatsimiititaliap inassuteqarnera malillugu nalunaarummi uani aalajangersarneqartut sanioqqunneqarallarnissaat akuersissutigisinnaavaa tamanna misiliinertut imaluunniit pikkorissarttsisarnernik ineriartortitsiniarnertut isigalugu.

**§ 15.** Umiartornermut aalisarnermullu tunngasunut ilinniartitaanermut ataatsimiititaliaq nalunaarut manna malillugu pikkorissarttsinernut ilinniartitaanermut ataatsimiititaliaavoq.

**§ 16.** Nalunaarut manna malillugu pissutsit ilinniarnermut tunngasut pillugit ilinniarfup aalajangiinerinut naammagittaalliuutit ilinniartitaanermut ataatsimiititaliamut suliassanngortinneqarsinnaapput aalajangiinerup tiguneranit sap. ak. sisamat qaangiutsinnagit.

*Imm. 2. Nalunaarut manna malillugu pissutsit allat ilinniарnermut tunngasuunngitsut pillugit ilinniarfup aalajangiinerinut naammagittaalliuutit Kultureqarnermut, Ilinniartitaanermut Ilisimatusarnermullu Pisortaqaifiimmut suliassanngortinneqarsinnaapput aalajangiinerup tiguneranit sap. ak. sisamat qaangiutsinnagit.*

*Atulerfissa.*

**§ 17.** Nalunaarut una atortuulissaq aggustip aallaqqaataani 1994-imi.

*Imm. 2. Ulloq taanna atorunnaassaaq umiartornermut aalisarnermullu tunngasut pillugit Namminersornerullutik Oqartussat nalunaarutaat nr. 2, 27. marts 1984-imeersoq.*

*Namminersornerullutik Oqartussat, 12. september 1994*

Marianne Jensen

/

Aqigssiaq Møller

**Namminersorlutik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut